



Republika e Kosovës
Republika Kosova - Republic of Kosovo
Kuvendi Komunal Malishevë



Nr.02/ 112
Datë: 02/05/2025

Komisioni Komunal i Aksionarëve, të Ndërmarrjes Publike Lokale, KRM "Ekoregjioni", Sh.a, në Prizren-njësia në Malishevë.

Në mbështetje të nenit 16 dhe 17 të Ligjit Nr. 03/ L-087 për Ndërmarrjet Publike, dispozitave të Ligjit Nr. 04/ L-III, për ndryshimin dhe plotësimin e Ligjit Nr. 03/ L-087 për Ndërmarrjet Publike, neni 6 të Ligjit Nr. 05/ L-009, për ndryshimin e Ligjit Nr. 03/ L-087 për ndërmarrjet publike i ndryshuar dhe plotësuar me Ligjin Nr. 04/L-111, nenin 6, paragraf 5, pika 5.1, dhe paragraf 6 të Udhëzimit Administrativ (MPMS), nr.07/2017 për Rregullimin e Procedurave të Konkursit në Sektorin Publik., Komisioni Komunal të Aksionarëve të Ndërmarrjes Publike Lokale, KRM "Ekoregjioni", SH.A, bën shpalljen e:

KONKURSIT

Për Drejtor të Bordit të Ndërmarrjes Publike Regjionale

1. Ndërmarrja Publike Regjionale, KRM "Ekoregjioni", Sh.a -Prizren, njësia Malishevë

KUALIFIKIMI DHE PËRSHTATSHMËRIA PROFESIONALE

Një kandidat për t'u zgjedhur drejtor i Bordit në Ndërmarrje Publike Regjionale, KRM "Ekoregjioni", Sh.a - Prizren, duhet të ketë kualifikime dhe përvojë pune sipas nenit 17 të Ligjit për Ndërmarrjet Publike Nr. 03/ L-087, të nenit 9 të Ligjit Nr. 04/ L-III për ndryshimin dhe plotësimin e Ligjit Nr. 03/ L-087 për Ndërmarrjet Publike dhe neni 6 të Ligjit Nr. 05/ L-009 për ndryshimin dhe plotësimin e Ligjit Nr. 03/ L-087 për Ndërmarrjet Publike si vijon:

Çdo person i cili konkuron për një pozitë të drejtorit duhet që po ashtu të përmbush edhe kushte e përshtatshmërisë profesionale si në vijim:

- a. Duhet të jetë person që ka integritet të njohur, duke marr parasysh, ndër tjera, çfarëdo shkelje materiale të detyrave fiduciare që mund të ketë bërë ky person ndaj cilitdo person tjetër;
- b. Duhet ose (i) të ketë së paku pesë (5) vjet përvojë — së paku në një nivel të lartë të menagjmentit — në fushën e administrimit të biznesit, financave korporative, financave, menaxhimit të thesarit, sektorit bankar, konsulencave në biznes ose industrisë apo edhe në një nga një fushat tjera të shkencave të cilat kanë të bëjnë me veprimtarin afariste të NP-së; ose (ii) për së paku pesë (5) vite, të ketë qenë kontabilist publik, jurist i kualifikuar me (5) vite përvojë pune , ose anëtar i kualifikuar i një profesioni tjetër i cili ndërlidhet ngushtë me veprimtarinë afariste të NP-së.

KUSHTET

Një person ka të drejtë të shërbejë si drejtor vetëm nëse i plotëson të gjitha kushte më poshtë si dhe kushte për pavarësi dhe përshtatshmëri profesionale të përcaktuara në paragrafët 2 dhe 3 të nenit 17 të këtij ligji;

- a. Nuk është dënua ose vendosur nga një gjykatë kompetente, përveç nëse ky dënim ose vendim më pas është ndryshuar nga një gjykatë tjetër në bazë të ankesës, se ka kryer veprë penale ose civile veprë penale apo civile që përfshinë përgënjeshtim, prezantimin e rrejshëm, korrupsionin, vjedhjen, pastrimin e parave, përvetësim, keqpërdorim apo ndarjen e rrejshëm të fondeve ka qenë i përfshirë në mitosje apo rryshfet sipas ligjeve apo rregulloreve në fuqi në Kosovës apo ndonjë vend tjetër, apo sipas traktateve ose konventave ndërkombëtare;
- b. Nuk është vendosur nga një gjykatë ose organ apo organizatë përgjegjëse për zhvillimin e kodit etik apo standardeve të sjelljes profesionale, përveç nëse ky dënim ose vendim më pas është ndryshuar nga ndonjë gjykatë ose organ tjetër në bazë të ankesës, (i) se është angazhuar në sjellje jo profesionale, (ii) ka shkelur kodin etik apo standardet e sjelljes profesionale, (iii) se ka keq-përvetësuar apo keqpërdorur parat apo burimet publike, (iv) se ka keqpërdorur apo keq përvetësuar informatat (të dhënat) e fituara gjatë shërbimit si zyrtar publik apo shërbyes civil, ose (v) se ka keq përdorur postin publik ose postin në shërbimin civil për përfitime personale ose për përfitime apo përparësi të një të afërmi ose të njohuri, apo;
- c. Nuk ka bërë përgënjeshtime materiale nën çfarëdo dëshmie nën betim apo betim tjetër apo ose dokumentin të vulosur apo noterizuar;
- d. Nuk është shpallur i falimentuar gjatë (10) viteve të kaluara dhe
- e. Nuk punon në ndonjë institucion ku bëhen politikat zhvillimore për Ndërmarrje Publike përkatëse ku kandidati punon.

Kandidati nuk kualifikohet për drejtor në Bordin e Ndërmarrjes Publike Lokale, nëse:

- a. Aktualisht është zyrtar, ose menaxher i NP përkatëse, ose cilëso nga filialet e saj, ose ka shërbyer si zyrtar ose menaxher i NP përkatëse ose cilëso nga filialet e saj brenda pesë (5) vjetëve të kaluara;
- b. Aktualisht është punonjës i nivelit të lartë i NP-së përkatëse, ose ka shërbyer si punonjës i nivelit të lartë në NP-në përkatëse brenda tri (3) viteve të kaluara;
- c. Aktualisht ka, ose gjatë tre vjetëve të kaluara ka pasur, çfarëdo marrëdhënie materiale afariste (përveç si konsumator individual i shërbimeve të NP-së) me NP-në përkatëse ose cilëndo nga filialet e saj, qoftë në mënyrë të drejtpërdrejtë ose të tërthortë;
- d. Është aksionar, drejtor, zyrtar ose punonjës i lartë në një shoqëri tregtare ose person tjetër juridik, i cili ka marrëdhënie materiale afariste me NP-në përkatëse ose cilëndo nga filialet e saj;
- e. Pranon, ose ka pranuar brenda tre (3) vjetëve të kaluara, kompensim shtesë nga NP përkatëse ose cilado nga filialet e saj (përveç honorarit të Drejtorit ose kompensimit stimulues të përcaktuar në nenin 20.1, ose është anëtar në skemën pensionale të NP-së, përkatëse ose cilëndo nga filialet e saj;
- f. Mbanë drejtorësi të ndërsjellë ose ka lidhje të konsiderueshme me drejtorët e tjerë të NP-së përkatëse përmes përfshirjes në shoqëri tjera tregtare ose organe;
- g. Përfaqëson një aksionar i cili posedon dhjetë për qind (10%) të aksioneve votuese në NP-në përkatëse;
- h. Është i afërm i shkallës së tretë (siç është konstatuar në përputhje me përkufizimin e "Interesit Financiar" në nenin 2 të këtij Ligji) i cilitdo person që i takon cilëndo nga kategoritë më sipër përveç personit të përcaktuar në pikën (b); ose
- i. Është ose (i) punonjës, zyrtar, drejtor ose aksionar, ose ka një interes financiar në një shoqëri tregtare të pa-listuar dhe që konkurron në Ndërmarrjen, ose (ii) menaxher i lartë, zyrtar, drejtor ose aksionar (i cili posedon më shumë se dy për qind (2%) të drejtave të votimit), ose ka një interes të konsiderueshëm financiar në, cilëndo nga shoqëritë tregtare të listuar që konkurrojnë në Ndërmarrjen; dhe
- j. Është ose në çfarëdo kohe gjatë periudhës 36 mujore para datës së aplikimit ka qenë(i) zyrtar i zgjedhur publik, i emëruar politik ose bartës i një posti udhëheqës ose vendimmarrës në një parti politike;
- k. Ka çfarëdo konflikti të interesave që për nga natyra, do të shkaktonte që ky person të mos jetë në gjendje që në mënyrë rutinore, me besnikëri, në mënyrë të pavarur dhe objektive të përmbushë detyrat e tij financiare ndaj Aksionarëve dhe NP-së.

KOMPENSIMI

Kompensimi i drejtorëve të Bordeve të Ndërmarrjeve Publike Lokale do të bëhet në bazë të nenit 20 të Ligjit për Ndërmarrje Publike dhe nenit 12 Ligjit Nr. 04/L-111 për ndryshimin dhe plotësimin e Ligjit Nr. 03/ L-087 për Ndërmarrjet Publike.

INFORMATAT TË PËRGJITHSHME PËR KANDIDATËT LIDHUR ME PROCEDURAT E KONKURIMIT

Kandidatët për drejtorë në Bordin e Ndërmarrjes Publike Lokale duhet të dorëzojnë këto dokumente:

- CV, me data të sakta dhe përshkrim të çdo pozicioni të mbajtur;
- Letrën e motivimit;
- Deklaratën nën betim (formular, i cili plotësohet në momentin e dorëzimit të dokumentacionit);
- Kopjen e letërnjoftimit ose pasaportës (si dëshmi e shtetësisë Kosovare);
- Certifikatën nga evidenca e personave kundër të cilëve është duku u zhvilluar procedura penale dhe personave të dënuar nga Gjykata;
- Dëshmitë për kualifikimet arsimore dhe profesionale (diplomat e fituara jashtë vendit duhet të jenë të nostrifikuara nga MASHTI ose të këtë dëshmi që është në proces të nostrifikimit);
- Dëshmi dhe certifikata (kopje) që ndërlidhen me kryerjen e trajnimeve që kanë të bëjnë me menagjimin e institucioneve publike apo ndërmarrjeve publike.
- Dëshmi të përvojës së punës së paku 5 vite përvojë pune në postet menagjierial (dëshmimi i përvojës së punës bëhet nëpërmjet:
- Kontratave apo vërtetimeve të punës të lëshuara nga punëdhënësit mbi marrëdhënien e punës dhe,
- Pasqyrave të kontributeve pensionale, ky kriter i fundit nuk kërkohet për përvojat e punës para themelimit të Fondit të Kursimeve Pensionale të Kosovës, dhe për ato përvoja kur punëdhënësit nuk kanë qenë të detyruar të paguajnë në këtë institucion).

Aplikuesit duhet të plotësoj personalisht deklaratën nën betim me rastin e aplikimit, në të cilën deklaron se ai/ajo i përmbush kushtet e kualifikimit, pavarësisht dhe të përshtatshmërisë profesionale sipas Ligjit Nr. 03/ L-087 Për Ndërmarrjet Publike me ndryshimet dhe plotësimet e bëra me Ligjin Nr. 04/ L-111 dhe Ligjin Nr. 05/L-009. Çdo përgënjeshttrim material, qoftë i qëllimshëm ose nga neglizhenca, ose ndryshim material nga informatat e dhëna në deklaratën e sipërpërmendur, do të rezultojë në diskualifikimin e menjëhershëm.

Dokumentacioni i dorëzuar nuk kthehet. Origjinalet mund të kërkohen gjatë intervistës.

Aplikacionet e pakompletuara nuk do të shqyrtohen.

Do të kontaktohen vetëm kandidatët e përzgjedhur Për intervistë.

Dokumentacioni duhet të jetë në zarf të mbyllur ku shkruhet emri dhe mbiemri si dhe emri i Ndërmarrjes Publike Lokale në të cilën kandidati konkurren dhe dorëzohet në Zyrën e Kryesuesit të Kuvendit të Komunë ose në objektin e KRM Ekoregjioni Sh.a Prizren, pa numër, duke cekur ; Për " Zyrën e Kryesuesit të Kuvendit të Komunës".

Afati i konkursit është i hapur 30 ditë nga data e publikimit në Web faqen e Kompanisë së Ekoregjioni nga data 02/05/2025 deri me 31/05/2025.

